







Veiðikort Laxár í Kjós og Bugðu

Laxá í Kjós ásamt Bugðu hefur verið kölluð „Háskóli“ stangveiðimanna vegna mikils fjölbreytileika síns. Laxá í Kjós er um tuttugu kílómetra löng og á hún upptök sín í Stíflidalssvatni á Mosfellsheiði ofan Kjósar. Laxá er fiskgeng að Þórufossi sem er tæpum tveim km neðan við Stíflidalssvatn. Laxá er dragá og er vatnasvið hennar um 211 ferkílómetrar. Um kílómetra frá ósi rennur Bugða í Laxá en uppruni hennar er í Meðalfellssvatni. Bugða er um þrír kílómetrar að lengd og vatnasvið hennar er 64 ferkílómetrar. Dælisá, sem er dragá, sameinast Bugðu nokkru neðan við Meðalfells-vatn. Svínadalsá, Hálsá og Þverá eru smærri ár sem falla til Laxár á efri hluta fiskgengra svæða.

Á þessum veiðikortum af Laxá í Kjós og Bugðu koma fram 92 nefndir veiðistaðir. Þá veiðist oft á milli merktra veiðistaða. Ógjörningur er að taka tillit til breytinga sem árlega verða í árfarveginum. Gjöfufur veiðistaðir til margra ára breyta sér þannig að þeir halda ekki fiski, en aðrir koma í staðinn, vatnshæðin breytist milli daga og laxinn flytur sig til í hyljum, á breiðum og í strengjum. Þá skapast oft kjörskilyrði og er það þá aðeins hyggjuvit veiðimannsins sem getur komið honum til hjálpar þegar finna þarf legustaði laxins.

Daglegur veiðitími er frá kl. 7:00 - 13:00 og frá 16:00- 22:00 til 20. ágúst, eftir það er seinni vaktin frá kl. - 15:00 - 21:00. Kvóti er 2 laxar á stöng á hverri vakt, en þess utan má veiða og sleppa. Einungis er heimilt að veiða með hefðbundnum fluguveiðistöngum. Veiðimenn skulu sleppa öllum stóraxi, 69 cm og stærri og sjóbirtingum yfir 60 cm.

